

Akileraarusiinernik Aalajangiisartut aalajangiinerat

Kinaassutsimik uppernarsaaneq:	2023-29490
Aalajangiisoqarpoq:	13. marts 2024
Aalajangiinerup tamanut saqqummiunneqarnera:	16. September 2024
Ukioq aningaaasarsiorfiusut:	2018 - 2021
Sammisaq:	Akileraarutit
Sammisami oqaatsit atorneqartut:	Suliffeqarfissuup iluani ernianut aningaaasartuutit

Eqikkaaneq

Naammagittaalliummi suliffeqarfissuarmi imminermi taarsigassarsiat erniaannut aningaaasartuutinut ilanngaatit pineqarput. Ingerlatseqatigiiffiup pigisaa Z taarsigasarsianik Ingerlatseqatigiiffimmuit piginnittumiit X-imiit pissarsisimavoq. Erniat akilerneqartussat taarsigassarsianut tunngatinneqarsimapput. Akileraartarnermut Aqutsisoqarfiiup ingerlatseqatigiiffiup ernianut akilerneqartussanut akiliinissamut aningaaasaqarnikkut pisinnaannginera innersuussutigalugu, ingerlatseqatigiiffiup pigisaata Z-ip ernianut ilanngaaqartinnissaa itigartitsissutigisimavaa. Naammagittaaliortoq isumaqarsimavoq ilanngaateqartoqartussaasoq, tassami Ingerlatseqatigiiffimmik piginnittooq ingerlatseqatigiiffimmut ilaasumut aningaaasaqarnikkut tapersersuiujaannarsimavoq, taarsigassarsinermilu atugassarititaq aningaaserivinniit ingerlaavartumik ingerlanneqartutut isigineqartussaavoq, tassani taarsigassarsitsinissamut killissarititaq ingerlaavartumik allilerneqartussaavoq, erniallu taarsigassarsiat amerliartorneranni akilertussaallutik. Ingerlaavartumik taarsigassarsinissaq pillugu isumaqatigiissutissaq oqaasertalerneqarsimannngilaq. Akileraaruserinermik Aalajangiisartut isumaat malillugu isumaqatigiissut taamatut oqaasertaligaanngitsoq kassekreditimut assersunneqarsinnaanngilaq, tassami taarsersugassanut annerpaaffiliisoqarnissaanut, taarsersugassanut il.il. ilanngaatip ernialersorneqarnissaanut isumaqatigiissusiusiortoqarsimannngilaq. Isumaqatigiissut aalajangiisartut isumaat malillugu ingerlatseqatigiiffiit ataatsimut soqutigisaqarnerat pissutigalugu aatsaat pisinnaasimavoq. Taamaammat eqqortuliornerusimassaq Akileraartarnermut Aqutsisoqarfik Ingerlatseqatigiiffiup pigisaani Z-imi ernianut naatsorsugaasunut ilanngaateqartitsinissamik itigartitsisimammat, tassami erniat akilernissaannut piffissaliussaq taarsigassarsianut ilanngunneqarmat tamanna kinguartitsiffiusutut isigisariaqarmat.

Akileraaruserinermik Aalajangiisartut ilanngullugu maluginiarsimavaat Ingerlatseqatigiiffiup pigisaa Z ukiuni aningaaasarsiorfiusuni tamani nammineerluni aningaaasaateqarsimannngitsoq, tamannarpialru tunngavigalugu soorpianganngitsumik aningaaasalersuisarneq pillugu malittarisassat malillugit suliffeqarfissuup iluani taarsigassarsiat ernialersuiffiginissaannut aningaaasartuutinut ilanngaateqartoqartussaanani, takuuk § 36 c.

Suliassami pissutsit piviusut

Ingerlatseqatigiiffiup pigisaa Z kalaallit ingerlatseqatigiiffiutigaat, taannalu danskit Ingerlatseqatigiiffiutaannit piginnittumit X-imit 100%-imik pigineqarpoq. Ingerlatseqatigiiffiit marluullutik amigartoofiullutik ingerlanneqarput nammineerlutik aningaasaateqarnatik. Kukkunersiusartup kimulluunniit attuumassuteqanngitsup ukiumoortumik nalunaarusiaani kukkunersiusutut atsiornermi maluginiaqquneqarpoq, ingerlatsiinnarnissaq suli nalorninartoqartoq (ingerlalluartoqarnerani nalorninartoqartillugu). Kaaviaartitassat suliffeqarfissuup aningaasartuutanik sippuisut suli anguneqarsimannngillat, taamaammallu ingerlatseqatigiiffiit piginnittuniit aningaasanik tunineqartarnissamik pinngitsuuisinnaanngillat.

Aningaasalersuisarnermut tunngatillugu suliffeqarfissuarmi namminermi nuussisarnerit

Ingerlatseqatigiiffiup pigisaa Z Ingerlatseqatigiiffimmiiit piginnittumiit X-imiit aningaasanik pisariaqtarinneqartunik tunineqartarpoq, taannalu nunami allami ingerlatseqatigiiffimmiiit piginnittumiit aningaasanik ingerlaavartumik tunineqartarsimavoq. Ingerlatseqatigiiffiup pigisaata ingerlatseqatigiiffimmmit piginnittumit taarsigassarsiaanut erniat 4 %-inut aalajangersaaffigineqarsimapput.

Erniat ingerlaavartut naatsorsuiffigineqartarput, kisiannili piviusumik ernianut akiliisoqarneq ajorpoq. Erniat suliffeqarfissuup pioreersup akiitsuinut ilangunneqartarput.

Ingerlatseqatigiiffiup akiitsumi ilai 2019-imi ingerlatseqatigiiffiup piginnittup nammineerluni aningaasaataanut nuussisimallugit kiisalu 2020-mi ingerlatseqatigiiffimmmit piginnittumit taarsigassarsianik allanik pissarsisimalluni ilisimatitsissugivaa.

Naammagittaalliuuteqartup paasinninnera

Naammagittaalliorup akerliunerani aningaasarsianit akileraarutit pillugit inatsimmi §15, imm. 1-ip paasineqarnissaa pineqarpoq, tassalu akiitsulik qanoq ilineratigut ernianut akiligassanngortunut akiliinissamut aningaasaqarnikkut pisinnaasaqassanersoq, taamaasillunilu ilanngaateqartitsinissamut piiffissaliussamut periarfissaqassanersoq.

Makku erseqqissaatigineqarput:

- Ingerlatseqatigiiffiup pigisaa Z aningaasarsianit akileraarutit pillugit inatsimmi §15, imm. 1-imi aalajangersakkamut tunngatillugu aningaasaqarnikkut ajornartorsiuteqartutut isigineqarsinnaanngilaq.
- Ingerlatseqatigiiffiup pigisaa Z piiffissaq tamakkerlu piiffissamilu aggersumi Ingerlatseqatigiiffimmiiit piginnittumiit X-imiit aningaasanik nuussisarneq aqqutigalugu aningaasaqarnikkut tapersorsorneqartuarsimavoq.
- Taarsigassarsisoqarnissaanut isumaqatigiisummik pisortatigoortumik, matumani erniat inerniliissanut ilangguttussaanerat nassuiardeqartunik peqartoqanngimmat, Kalaallit

Nunaanni periusissatsinnik nassaarsinnaasimanngilagut, ernianut ilanngaateqartitsinissap anguniarnissaa ajornartorsiutaalissaq.

- Ingerlatsinerup akiliisinnaassusernik aningaasalersuisarnernillu tuniorartuarneqarnera assigiimmik isigineqassaaq, tassalu aningaasarivinnut ingerlaavartumik suliaqarnertut isigalugu, tassani akiitsoqarnissamut killiliussaq ingerlaavartumik annertusarneqartarluni, tamannalu erniat ingerlaavartumik akiitsut annertusiartorneranni akilerneqarsimasutut paasineqartussaanani, matumani ingerlatseqatigiiffiit namminneerlutik iliuuseqarsimasut pineqarsimatillugit.
- Suliffeqarfiiit arlaannaannulluunniit attuumassuteqanngitsut akornanni niueqatigiittoqarnerani, illuatungeriit ilaanni aningaasaqarnikkut amigartumik pisinnaassuseqarneq nalornaatsumik niueqatigiinnerup uninneranik kinguneqartussaavoq. Tamanna Ingerlatseqatigiiffiup pigisaani Z-imi pisimagunangnitsutut isigineqarsinnaavoq, tassani suleqatigiinneq ingerlaannarmat.

Inatsisitigut malittarisassanut inatsisitigullu periaatsinut innersuussinerit

Erniat:

Ernianut aningaasartuutinut ilanngaateqarsinnaanermut inatsisitigut tunngavigineqartoq, Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi kingusinnerusukkut allanguuteqartumi § 24, imm. 1 nr. 3-mi nassaassaavoq. Aningaasarsianit akileraarutit pillugit inatsimmi § 15-imi ernianut aningaasartuutinut ilanngaateqartitsinissamut pisinnaatitaafflik itisilerneqarpoq.

§ 15. Erniat isertitatut akileraaruserneqassapput ilanngaatigineqassallutiluunniit ukumi aningaasarsiorfiusumi erniat akilerneqartussaalerfianni. Erniannulli aningaasartuutit siuumortumik akiligassaalersut ukumi aningaasarsiorfiusumi attuumassuteqarfisaanni ilanngaatigineqassapput, § 12, imm. 1 naapertorlugu. Akiligassaqartori erniat akiligassanngortut akilernissaannut akissaqanngippat, erniat ilanngaatigineqassapput isertitatulluunniit akileraaruserneqassapput ukumi aningaasarsiorfiusumi erniat akilerneqarfisaanni. Akileraaruserriifiup suliffeqarfiiit aningaasalersuinermik ingerlataqartunut suliffeqarfinnullu allanut, taamatut naatsorsueriaaseqarnermik atuissattut isigisariaqtartunut, akuersissuteqarsinnaapput, erniat isertitatut akileraaruserneqassasut ilanngaatigineqarltilluunniit ukumi aningaasarsiorfiusumi ernianut attuumassuteqarfiusumi. Taamatut periuseqarnissamik toqqagaasoq kingusinnerusukkut allangortinnejqarsinnaanngilaq

Imm. 2. Akileraartussaunerup aallartinnerani toqumik patsiseqannngitsumik allamillli patseqartumik akileraartussaajunnarnermi erniatigut isertitat aningaasartuutilluunniit il.il., piffissamut inuup pineqartup akileraartussaanerata naalanut attuumassuteqartut, akileraarutaasussanik isertitat naatsorsorneqarneranni ilanngunneqassapput ilanngaatigineqassallutiluunniit. Erniatik isertitat ilanngatiaissalluunniit il.il. piffissamut attuumassuteqarfisaannut agguaneqneqassapput. Agguassinermi piffissaq akileraartussaunerup aallartinnerani akileraartussaajunnarfimmiluunniit erniat kisimik pineqarput.

Imm. 3. Ernianut atasunut ilanngunneqartunulluunniit akiliutit, pisassarisanik erniaqartitanik allamut tunniussinermi, isertitat naatsorsorneqarneranni akiliutinik pisassaqtumi ilanngunneqassapput. Akiliutit ilanngaatigineqassapput akiliutinik akiliisussaasup isertitaanik naatsorsuinermi. Akiliutit ilanngunneqassapput ilanngaatigineqarltilluunniit ukumi aningaasarsiorfiusumi niueqatigiinnerup piffigisaani. Erniatut atasunut ilanngunneqartunulluunniit akiliutit ukumi aningaasarsiorfiusumi akiligassanngorfisaanni erniat akileraarutaasussat naatsorsorneqarneranni ilanngunneqassapput. Immikkoortumi tassani maleruagassat akileraartussaasunut ernianut aningaasartuutnik ernianillu isertitanik § 15, imm. 1, oqaaseqatigiit sisamaanni taaneqartutut agguataarisunut atuutinngillat.

Imm. 4. Aningaasarsianut akileraaruteqataasussanut tunngatillugu illumumut aalaakkaasumut Kalaallit Nunaata avataaniittumut piginnittoq naatsorsuutinut makkuninnga ilanngussissanngilaq:

- 1) isertitat aningaasartuutillu,
- 2) taarsigassarsiat ernialersornerannut aningaasartuuti illutip pigilernissaanut imaluunniit ingerlannissaanut atorneqarsimasut,
- 3) taarsigassarsiat ernialersornerannut aningaasartuutit illumummi qularnaveeqqusiiunikut qularnarneqarsimasut.

Erniatut suut isigineqassanersut paragraffini nassuaaffigineqanngilaq, kisiannili inatsisisssatut siunnersuummi § 24-mut nassuaatigineqartuni nassuarneqarpoq ernianut

ilanngaaffigineqarsinnaasutut suut pineqarnersut takuneqarsinnaavoq, tassanilu aamma tamanna § 15-imut nassuaatini erseqqissaaffigineqarpoq.

"Ernianut aningaasartuutit aningaasarsiat akileraaruteqaataasussat naatsorsuiffigineranni ilanngaateqarsinnaanerat aalajangersakkap kingunerissavaa. Tamanna atutissaaq akiitsorineqartoq inuussutissarsiummut ilaalluni pilersimanersoq imaluunniit inummut tassungarpiaq tunnganersoq apeqqutaatinnagu.

Ernialersuinermi aningaasat allaneersut pigilernissaannut periarfissaqartitsinermut ajunngitsorsiatut paasineqassaaq, taannalu akiitsut qaqgukkuulluunnit pinngortut procentiannik ilallugu piffikkaartumik naatsorneqassaaq.

Ernianut ilanngaateqartitsinissaq anguneqarsinnaassappat, inatsisitigut pisussaaffeqarnissaq pigineqassaaq, akiitsut akilernissaannut aamma taakkua ernialersornissaanut tunngatillugu.

Taarsigassarsianut ingerlaavartumik pissarsiat akileraartartup pigilersimasai, aningaasarsiat akileraaruteqaataasussat naatsorsuiffigineranni ilanngaatigineqarsinnaanerat aalalangersakkap assinganik kingunerisussaavai. Akerlianik taarsigassarsianik pilersitsinermi pissarsiassat, ataasiartumik pissarsiassat ataasiaannartumillu tunniussat assingusut ilanngaatigineqarsinnaapput."

"Ernianut tunngatillugu tamakku akiligassanngorsimanissaat akilerneqareersimanissaallu akileraarnikkut pingaartuummat immikkut taasariaqarpoq. Ernianut ilanngaateqartitsinissamut pisinnaatitaaffimmi aamma piumasarineqarpoq, akiitsullip akiitsunut inatsisitigut pisussaaffeqalersimanissaa, tamatumalu ernialersornissaanut pisussaaffeqalersimanissaa ilanngullugu piumasarineqarpoq."

TP-mut akileraartitsineq (nakutigisamik nuussinarerit):

Inuit akileraartussaatitaasut assigiinnik soqtigisaqarsimappata aamma inuup aappaa inummik allamik pinngitsuuisinnaanngippat (nakutigineqarsinnaanngippat) akileraarusersuinissap minnerpaaffiutinnissaa imaluunniit pinngitsoortinnissaa siunertaralugit nuussinerit il.il. ingerlanneqartut ulorianartorsiuleriaannaassapput.

Inuit akileraartussaatitaasut nunani assigiinngitsuni angerlarsimaffeqarsimappata akileraarusiisernerup, assersuutigalugu nunami akileraarnikinnerpaaffimmi inissinnissaa kissaataasinnaavoq.

Nuussinerni nakutigisani Kalaallit Nunaata iluanaarutissanik annaasaqanngissaa qulakteerniarlugu aningaasarsianit akileraarutit pillugit inatsimmi §§ 36a - 36 e ilanngunneqarsimapput.

§ 36 a-mi aalajangersakkanut kikkut ilaasinnaanersut nassuarneqarpoq (ilaatigut inuit inatsisitigut suliffissuarmut qilersorsimasut), taakkualu imminnut niueqatigiinnikkut aningaasaqarnikkulluunniit nuussiffiqeqatigiittarnerannut akinik atugassarititanillu assigiinnik atuisarnissaannik pisussaaffilerneqaput, tassalu illuatungeriittut imminnut atanatik suliaqarsimatillugit.

§ 36 b-mi aalajangersarneqarpoq akileraartussaatitaasut aalajangersakkanut ilaasut nuussinerit inunnut akileraartussaatitaasunut atasut pillugit paassisutissiisarnissamik uppernarsaatissanillu toqqortuisarnissamik pisussaaffilerneqassasut.

§ 36 c-mi ingerlatseqatigiiffinnut nakutigisanut akiitsut ernialersornerannut aningaasartuutinut ilanngaateqartitsinissaq pineqarpoq. Nunani allani ingerlatseqatigiiffinnut suliffissuarnut atassutilinnut

ernianut aningaasartuutinut ilanngaatit ilanngarneqassapput, matumani suliffeqarfissuup iluani akiitsunngortut tassanilu ukiup aningaasarsiorfiusup naanerani nammineerluni aningaasaatit atugassarititanik 2:1-imik qaangiisimatillugit (malittarisassat pisoqaanersut). Ingerlatseqatigiiffiup nammineerluni aningaasaatai 0 kr.-niusimappata aningaasaateqanngippalluunniit, ernianut aningaasartuutinut ilanngaateqartoqarsinnaanngilaq.

§ 36 d-mi kalaallit ingerlatseqatigiiffiutaat piginnittut nunani allani ilaasunik ingerlatseqatigiiffiutillit pineqarput, taakkuanilu appasissumik akileraartitsisoqarpoq. Aalajangersagaq illersuisussatut malittarisassaavoq, taannalu aqqutigalugu aningaasarsiat ingerlaartut (ningaasalersuinikkut aningaasarsiat) nunani akileraartserpiarneq ajortuni ingerlatseqatigiiffiinnut ilaasunut inissiinissanut pinngitsoortitsisinnappa.

§ 36 e illersuisussatut malittarisassaavoq, tassanilu inuit inatsisitigut pisussaaffillit ernianut aningaasartuutit nunani allani akileraarfiorpiarneq ajortuni akiligassanngortitsisunut akilerneqartut 25 %-iannik akiliinissamut pisussaaffilerneqarput. Inatsimmi aalajangersagaq 2023-mi akuersissutigineqarpoq, ukiorlu aningaasarsiorfiusoq 2024 aallartiffigalugu aatsaat atuutilertussaalluni.

Aningaasarianit akileraarutit pillugit inatsit

§ 36 c. Ernianut aningaasartuutit aningaasanillu annaasaqarnerit akiitsunut nakkutigisat ilaattut sinneqortorutitut pineqartut aamma ingerlatseqatigiiffimmiit imaluunniit peqatigiiffimmiit allanillunniit pigineqartut ilanngaateqartinneqarsinnaanngillat, matumani pineqartoq:

- 1) ingerlatseqatigiiffik peqatigiiffiunnit § 1, imm. 1, nr. 3-14-mut ilaasimappat,
- 2) ingerlatseqatigiiffik imaluunniit peqatigiiffik § 36 a, imm. 1-imi taaneqartutut inunnut inatsisitigut pisussaaffilinnut nuananit allaneersunut akitsoqarsimappat (nakkutigisamik akiitsut), aamma
- 3) ingerlatseqatigiiffiup peqatigiiffiunnit allanit aningaasaliiffigineqarnerata (akiitsui) ukiup aningaasarsiorfiusup naanerani ingerlatseqatigiiffiup namminerisanik aningaasaataanut sanilliullugit 4:1-mut annertunerusumik annertussuseqarpata.

Imm. 2. Taamaattoq imm. 1 malillugu aningaasatigut annaasat ukiumi aningaasorsiorfiusumi tulliuttumi taarsigassarsiarineqartut assigalugit aningaasatigut pissarsiarineqartunit ilanngaatigineqarsinnaassapput.

Imm. 3. Inummit allamit taarsigassarsiarineqartut nakkutiginnillutik piginnejataasut imaluunniit taamaasillunniit suliffissuurnut toqqaannartumik toqqaannanngitsumilluunniit ilaasunut qularnaveeqqusiiisimasunut nakkutigisatut akiitsutut isigineqassapput.

Imm. 4. Ingerlatseqatigiiffiit imaluunniit peqatigiiffiit aningaasalersuisarnerit assingusut ingerlatseqatigiiffimmut piginnittumut taamaasillunilu ingerlatseqatigiiffiinnut suliffissuarmut atasunut atuuttunut uppernarsaasinnaappata ilanngaateqartitsinissamut ilanngaanissaq atorunnaassaaq.

Imm. 5. Iлангаатинут ilanngaanissaq aatsaat pisinnaassaaq nakkutigisamik akiitsorineqartut 5 mio. kr.-ninik qaangiisimappata. Ilanngaatinut ilanngaaasareq akiitsut nakkutigineqartut ilanngaaasareq taamaallaat atorneqarsinnaavoq, taakkualu ukiup aningaasorsiorfiusup naanerani aningaasaat allaneersut (akiitsut) namminerisanillu aningaasaatit akornanni pissutsini 2:1-p atorneqarsimanissaani allangortinnejartussaagaluarp. Inummut allamut nakkutigisamik akiitsorineqartut assigalugit suliffeqarfissuup iluani nakkutigisamik akitsoqarsimassappat siullermik suliffeqarfissuarmi imminermi nakkutigisamik akiitsorineqartut tullianillu inummut allamut nakkutigisamik akiitsorineqartut ilanngaatitgut ilanngaaffigineqassapput.

Imm. 6. Pissarsiassanuut § 17, imm. 1-imut aamma § 18, imm. 1-imut ilaasunut tunngatillugu kiisalu pigisanut nuunneqarsinnaasunut tunngatillugu akiitsorineqartut akiitsutut isigineqassapput. Akiitsorineqartoq ukiup aningaasorsiorfiusup naanerani aningaasaatit naliattut naatsorsorneqassaaq.

Imm. 7. Namminerisamik aningaasaatit ukiup aningaasorsiorfiusup naanerani imm. 6 malillugu akiitsut niuerrikku nalinganut ilanngaateqartillugit pigisat naatsorsuiffigineranni nalitut naatsorsuiffigineqassapput. Namminerisamik aningaasaatit piginnittunit aningaasaliiffigineqartut ingerlatseqatigiiffimmi ukiuni ikinnerpaamik marlunni inissisimaannarnissaat kisiat atorlugu ilanngullugit naatsorsuiffigineqassapput.

Imm. 8. § 36 a, imm. 4 naapertorlugu kalaallit ingerlatseqatigiiffiutaat suliffeqarfissuurnut atasut arallit nakkutigineqarsimappata imm. 1-7 tamarmik ingerlatseqatigiiffiinni taakkunani pigisanut pissarsiasanullu ataatsimut atorneqassapput, tassanilu kalaallit ingerlatseqatigiiffiutaasa ingerlatseqatigiiffiinni allani pigisat naatsorsuinernut tamarmiusunut ilaasut kiisalu taakkua akornanni akiitsut pissarsiassallu ilaasut isigineqassannigllat.

Imm. 9. Imm. 1-8 akileraartussaataitaasunut § 2, imm. 1, nr. 10-mut ilaasunut assinganik atuutsinneqarput.

Imm. 2 aamma 3 malillugit akiitsut namminerisanillu aningaasaatit naatsorsuiffigineranni pigisat akitsslullu ingerlatsivimmut aalajangersimasunut atassutilit nalingat kisimi ilanngunneqassaaq. Inummit allamit taarsigassarsiarineqartut akiitsutut nakkutigisatut isigineqassapput, matumani pingarnertut allaffik akiitsunut akiligassaqarsimattillugu.

Annikitsumik aningaasaliisarnernut malittarisassat Inatsisartut inatsisaat nr. 72, 20. november 2023-imeersoq atorlugu sakkukillineqarsimapput, tamatumunngalu aningaasani allaneersuni atugassarititat aamma namminerisamik aningaasaatini atugassarititat akornanni 2:1-miit 4:1-imut

allanngortitsisimasoqarsimanera pissutaavoq (§ 36 c imm. 1 nr. 3). Allannguineq ukioq aningaasarsiorfiusoq 2024 aallartiffagalugu atuutilissaaq, taamaammallu ukiumut aningaasarsiorfiusumut naammagittaalliuutigineqartut atugassarititaq 2:1 atorlugu atuutiinnartussaalluni.

Akileraarusiinermik Aalajangiisartut naliliineri tunngavilersuutaalu

Ingerlatseqatigiifflup pigisaata Z-ip Ingerlatseqatigiiffimmit piginnittumit aningaasanik taarsigassarsisimanera, aningaasallu taarsigassarsiarineqartunut ernialersuinissamut inatsisitigut pisussaaffilerneqarsimanera, allanngortinneqarsinnaanngitsumik tunngavilersuutigineqarpoq.

Ernianut ilanngaateqartitsisarnermi ernianut ilanngaateqartitsisarnermut aalajangersakkat naapertorlugit erniat akiligassanngorsimanissaat akilerneqarsimanissaallu piumasarineqarpoq. Inatsimmi allanneqartut naapertorlugit akiliuteqarnissamut piumasaqaat aatsaat atuuttussaavoq, akiligassallip ernianut akiligassanngortunut aningasaqarnermigut akiliisinnaassuseqarsimanngippat.

Erniat akiligassanngortinneqarsimappata akiitsulik ernianut inatsisitigut piumasaqarsinnaatitaavoq, piumasaqarnerlu atuutsinneqarsinnaassanngippat akiitsulik akiliuteqarluni kinguartitsisimasutut isigineqassaaq. Erniat ataatsimut akilersinniarnissaat pillugu isumaqatigiissusiortoqarsimanngippat, paarlattuanillu taarsigassarsiarineqartumut tunngatinneqarsimappat aatsaallu taarsigassarsiat akiligassanngorneranni akilerneqarsimappat, erniat akilerneqarfissaat taarsiagassarsiat akilerneqarnerannut piffissaliussamut kinguartinneqassaaq. Tassalu ernianut aningaasartuutinut naatsorsukkanut ilanngaateqartitsinissamut piffissaliussaq akiliuteqarnissamut piffissaliussamut kinguartinneqassaaq, apeqqutanani akiitsulik ernianut naatsorsukkanut akiliinissamut aningaasatigut pisinnaassuseqarsimassanersoq.

Suliami uani erniat naatsorsuiffigineqartut akilernissaannut paarlallugu taarsigassarsianut tunngassasut isumaqatigiissutigineqarsimavoq. Taamaammallu akiliisitsiniarnissamut taamaasillunilu aamma ilanngaateqartitsinissamut piffissaliussaq taarsigassarsiat akiligassanngortinnerat peqatigalugu erniat akilerneqarnissaat kinguartinneqarpoq.

Erniat akiligassanngortinera akiliuteqarnermut sanilliunneqarsinnaassasoq naammagittaalliorq isumaqarpoq. Taamaammallu ilanngaateqartitsinissamut piffissaliussaq kinguartinneqarsimassanngitsoq kisiannili akiligassanngortitsinissamut piffissaliusamut assingusoq naammagittaalliorq isumaqarpoq - tassalu erniat naatsorsuiffiginissaannut piffissaliussamut.

Ingerlatseqatigiifflup pigisaa Z Ingerlatseqatigiiffimmit piginnittumi X-imi taarsigassarsiaqartutut isigineqassappat, tassani erniat akiligassanngortinneranni taarsigassarsinissamut qummut killissarititaq qaangerneqarsimanani, taarsigassarsianut ernialersuinerit akiligassanngortinnissaat ernianut arlaatigut sunniuteqarnani ernianut akiliinertut isigineqassaaq. Taamaattoqarsimappat ernianut akiligassanngortunut akiliuteqarnissamut inatsisitigut piumasaqaat taarsigassarsisarfimmumt piumasaqaammik (nutaamk) taarserneqassaaq. Matumani taarsigassarsiarineqartut

pineqarsimassanngippata, taarsigassarsianut ernialersuineq piumasaqaatip eqqortinnissaanut allatut taarsigassarsinertut isigineqanngikkuni ernianut piumasaqaatip akilernissaata kinguartitsiffiusimanceratut isigineqassaaq.

Ingerlatseqatigiiffiit peqataasut akornanni taarsigassarsinissamut isumaqatigiissusiorneq pigineqanngilaq, tassani erniat inernermet tunngassasut nassuiarneqarluni. Naammagillaalliorup isumaa malillugu ingerlatsinermut akiliisinnaassuseqarnikkut aningaasalersuisarnikkullu aningaasanik tunioraajuarneq aningaasarivinni ingerlaavartumik suliatus isigineqartariaqarpoq , tassani taarsigassarsitsinissamut killiliussaq ingerlaavartumik annertusineqartussaalluni. Naammagittaalliorup taamaasilluni ingerlatseqatigiiffiit akornanni akiligassanngortut taarsigassarsarsiarineqartutut isigineqarnissaattut isigisussaavai. Taamaattoq isumaqatigiissut suli pisortatigoortunngortinneqanngilaq. Akileraarusiisarnermik Aalajangiisartut isumaat malillugu taamatut pisortatiguunngitsumik isumaqatigiissusiorneq taarsigassarsinermut assersuunneqarsinnaanngilaq, tassami taarsigassarsianut annerpaaffiliinissaq, taarsigassarsianut ilanngaanissanut erniarlersuisarnissaq il.il. pillugit isumaqatigiissusiorqarsimanngilaq. Taamatut pisortatiguunngitsumik isumaqatigiissusiorneq aalajangiisartut isumaat malillugu ingerlatseqatigiiffiit ataatsimut soqutigisaqnerat pissutigalugu aatsaat pisinnaassaaq.

Ingerlatseqatigiiffiup pigisaa Z ukiuni aningaasarsiorfiusuni tamani aningaasatigut nammineerluni aningaasaqarsimanngilaq, tamannarpiallu tunngavigalugu soorpianngitsumik aningaasalersuisarneq pillugu malittarisassat malillugit suliffeqarfissuup akiitsuinut ernianut aningaasartuutinut aamma ilanngaateqartitsisoqarsinnaassanngilaq, takuuk § 36 c.

Akileraarusiinermik Aalajangiisartut aalajangiinerat

Eqqortuliorneruvoq Akileraartarnermut Aqutsisoqarfik Ingerlatseqatigiiffiup pigisaani Z-imni ernianut naatsorsukkanut ilanngaateqartitsinissamik itigartitsisimammat, tassami erniat akilerneqarfissaattut piiffissaliussaq erniat taarsigassarsianuinnaq tunngasimatillugit kinguartinneqarsimasutut isigineqassammat.

Inatsisitigut tunngavigisat: Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi kingusinnerusukkut allannguuteqartumi §§ 15 aamma 36 c.